



КОМСОМОЛОНЬ ВАЙГЯЛЬ

ЛИСЕНДИ VIII-це КИЗОСЬ

ВЛКСМ-нь Мордовский
обком и Саранский
юрком и газетасна.

Адрес: г. Саранск, Советская ул.,
Дом печати, телефон № 1-60.

ПИТНЕЦ 5 тр.

ФЕВРАЛЬ
27-ЦЕ ШИСТОНЗА
1940 КИЗОНЯ
24 № (1676)

ЛИСЕНДИ КОВТИ 12-ксть.

Мордовский АССР-нь Верховный Советть Юбилейной Сессияц

Моску, Кремль

Сталин ялгати

Кельгома Иосиф Виссарионович! Мордовский Автономный Советский Социалистический Республика вете кизонь топодема шистонза Мордовский АССР-нь Верховный Советть юбилейной Сессияц, мордовский сембе народть лемста кучси Тейть, Ленинонь тевоц великий продолжательцы, минь вожденьконди, учителеньконди и другоньконди пламенной большевистский привет.

Минь странасонк йотафтф эряфс человечество инь йоню ломанензон мечтасна—основнойста строя коммунизм васынне фазац—социализм. Социализм великий победа законодательна кемокстаф Сталинский Конституцияса.

Цебяр и радостна эрямс Сталинский Конституция шивалдонц ала!

Тянь пях цебарста марясаз Мордовиянь трудящайне, сяс мес мордовский народ оязоронь пингть ульсь бесправнай и кафтонь крда угнетенной народкс. Тяни, Октябрьский революцияда меле, ленинско-сталинский национальный политикать эряфс йотафтоманц вельде, Советский Мордовиянь трудящайне, получамок государственной существования, Ленинонь—Сталинонь партиясон руководством и Тонь, Сталин ялгась, эрь шинь лездемацень вельде, сумели кеподемс социалистический строить цветущай вершинанзонды, ули синцень Конституциясна — Сталинский Конституцияц детиса. Оязоронь пингть мордовский народь коламовок государственностень колга не мог арьсемска. Царизмась толса и мечса машфнезе национальный всякай инь аф оцю самосознания. „Мордва“ валсь ульсь сюецмань обиднай валкс.

Мордовский народ аф кирдемшка стака, шобда эряфоц юмась прокс.

Свободнай творческий трудса, Сталинский Конституция шивалдонц ала, Ленинонь—Сталинонь партиясон перьф сплоченнайста, мордовский народь сатсь оцю успех республикать хозяйственной и культурнай эряфсонза и советский сембе народть мархта марса увереннайста моли коммунизм победанцы.

Революцияда ингольден Мордовияса ашель промышленность. Тяни, сталинский пятилеткань кизотнень пингста, тифт промышленнай 49 од предприятия.

Минь социалистический промышленностеньконь касоманц мархта марса касыхть и передовой рабочайн, стахановецонь, трудонь социалистический методонь новаторонь од кадраньке.

Велень хозяйстваса, народонь вракнень каршес ви и беспощаднай тюремаса, Ленинонь—Сталинонь великий партиясон руководством ала и лична Тонь, родной Сталин ялгась, руководствань ала окончательно кемокстась колхознай стройсь.

Колхознай паксятнень лангса, шуфтонь сокатнень вастс, работайхть 2.911 трактор. Республика лувондови 702 комбайна, 819 автомашина, 724 сложнай молотилка и велень хозяйствань тьожатть лия машинат и орудият.

Советский властень кизотнень пингста велень хозяйстваса кассть замечательнай ломатть, эсь тевоць мастерхт—трактористт, комбайнерхт, агропонт, бригадирхт и велень хозяйствань лама лия передовикт.

Нят велень хозяйстваса од ломатть, конат шачсть велеса коренной экономической и социальной измененятнень вельде и конат кассть Ленинонь—Сталинонь партиясон руководством и непосредственна Тонь, дорогой Иосиф Виссарионович, лездемацень вельде.

Революцияда ингольден Мордовияса ульсь анычек начальнай школа, ашель фязвок ВУЗ и техникум, ашель мордовский национальный печать. Мордовский население 90 процентоц ульсь аф грамотнай, но сянка ульсь сядот монастырьхть, церькафт и мечеть.

Ленинско-сталинский национальный политикать эряфс йотафтоманц вельде, сталинский пятилетканень победасон вельде келиста вишкомс культурнай строительствась.

Тяниень пингть Мордовияса улихть 3 вуст, 19 техникум, 1.283 начальнай, неполнай средняй и средняй школа, конатнень эса тонафнихть трудящайн 207,3 тьожань идь. Нолявихть 5 журналхт, 6 республиканский и 30 районнай газета.

Марксонь — Энгельсонь — Ленинонь — Сталинонь гениальной трудсон, „ВКП(б)“-ть историйнц краткай курсонц тонафнесазь Мордовиянь кемотть тьожатть трудящай. Сембе ня успехне кореннойста

полафтозь трудящайн кели масшатнень материальной положенясон. Навсегда машфтф безработицась, нищетаць, вачащись и бескультурьясь. Ошнень и велетнень эса, социалистический фабрикатнень и завоттнень эса, колхознень эса—сембе вастова „эрямс арась сяда цебяр, эрямс арась сяда весяла“. Социализм ня победанза нинге сяда пях сплотили Ленинонь—Сталинонь партиясон перьф Мордовиянь рабочайхнень, крестьянтнень и интеллигенцият.

Мордовский народь заверяет Тонь, родной Иосиф Виссарионович, што сяда тов саттама нинге сяда оцю победат социалистический строительствань сембе участкатнень эса.

Мяляфтомок Тонь, Сталин ялгась, указаниятнень капиталистический окруженият колга, мордовский народь, кода и сембе советский народь, кемокснемом СССР-ть обороноспособностенц, фалу ульсь и ляткшни мобилизационнай готовностьса и любой минутаста анок модемс эсь прекраснай, цветущай родинанц аралама капиталистический нападеният эзда. Минь карматама эрь шинь касфнемонза революционной бдительность и беспощадна машфнемост враждебнай охвостьят лятксонзон—иностранный разведкатнень троцкистско-бухаринский и буржуазно-националистический агентсон.

Минь нинге сяда пях карматама кемокснемонза нароттнень дружбасон, мяляфтомок, што „мзяр ули тя дружбась, минь странаньконь народонза кармайхть улема свободнайхть и непобедимайхть“.

Марнек большевистский энергияса и самоотверженностьса минь нинге сяда вииста и келиста вишкотьсась социалистический соревнованият и стахановский движеният Колмоце Пятилеткань грандиознай задакатнень пашкодмасон инкса, партият XVIII с'ездсонза тонь исторический указаниятнень пашкодмасон инкса.

Шумбра улеса многомиллионнай Советский Союзт народонзон великай сталинский дружбасна!

Шумбра улеса Ленинонь—Сталинонь великий партиясна, социализмат победанзон вождьсна и организаторсна!

Шумбра улеса Сталинский Конституцияс и сонь творецоц великай вождь, учитель и другсь родной Сталинц!

Мордовский АССР-нь Верховный Советть Юбилейной Сессияц заседанияц колга

информационный сообщения

Февраль 25-це шистонза 12 частса МАСР-нь Верховный Советт заседанияц оцю залсонза панжевсь Мордовский АССР-нь Верховный Советть юбилейной Сессияц, конац посвященай Мордовский Автономной областть образованияц шистонза сывомок 10 кизонь топодеманцы и Мордовский Автономной Советский Социалистический республикать организовандамань шистонза сывомок 5 кизонь топодеманцы.

Сессият панжезе Мордовский АССР-нь Верховный Советт председателец депутатсь В. П. Петушков.

Депутатть Титовть предложенияц коряс юбилейной Сессият работанц вятма 50 ломаньца кочкаф президиум.

Президиумть составса—Туркменский ССР-нь, Удмуртский АССР-нь, Марийский АССР-нь, Северо-Осетинский АССР-нь, Чувашский АССР-нь, Башкирский АССР-нь и Татарский АССР-нь братский республикатнень представителсна.

Депутатсь Смирнов макссь предложения Сессияв почетнай президиумонь кочкамать колга.

Бурнай аплодисмент ала почетнай президиуму кочкафт Сталин ялгась, Советский Правительствать главац Молотов ялгась, Ворошилов, Калинин, Л. М. Каганович, Андреев, Жданов, Микоян, Хрущев, Берия, Шверник, Маленков и Димитров ялгатне.

В. П. Петушков ялгась азондозе юбилейной Сессият шинь порядканц.

Верховный Советсь единогласна кемокстась тяфтама шинь порядка:

1. Мордовский АССР-ть пятилетияц и Мордовский Автономной областть организовандаманц десятилетияц колга доклад.

Сессиясь кулхондозе Мордовский АССР-нь Народнай Комиссаронь Советть председателец депутатть В. В. Верендякин ялгать докладонц „Мордовский АССР-ть пятилетияц и Мордовский Автономной областть организовандаманц десятилетияц колга“.

Докладсь ульсь тиф мордовский и русский кяльса.

Юбилейной Сессиясь кучсь приветствият Сталин ялгати, Молотов и Ворошилов ялгатнедди.

Тянь мархта Мордовский АССР-нь Верховный Советть юбилейной Сессияц васынне заседанияц сьолговсь.

484

ЛЕНИНГРАДСКИЙ ВОЕННЫЙ ОКРУГТ ШТАБОНЦ ОПЕРСВОДКАЦ

Февраль 25-це шистонза Карельский перешейкаса минь частеньке шиньберф, тюремок противникть виинзон каршес, занясть 28 оборонительнай укрепленнай пунктонзон, синь лувксост 8 железобетоннай артиллерийский

сооруженият. Противниксь ламоксть йорась тиес минь частеньконь каршес контратака, но ня попыткатне ульсь машфтф противникть ширде оцю имафкс мархта.

Фронтть лия участванза ме-

зевок существеннай ашель.

Минь авиациянъке лама районга тись противникть войскавонлангс успешнай бомбардировка. Воздушной бойхнень пингста прафтф противникть 10 самолетонза.

Тейть, великай вождь, Сталин ялганьке, минь роднойньке—кельгом алянъке!

Тейть, великай вождь, кельгом алянъке,
Седи вакстонне кучасак валоньконь.
Кепотьф мьяль мархта сёрма тятштта,
Сянди, кие макссь вольнай эряма.
Минь народоньке—мокет да эрзят,
Эрятама минь, кода родной братт,
Пяк и дружнайста, фкя-фкянь апак кадт,
Панчфу кужеса панчфень ёткас кафт.
Шобда эряфста валдти таргамась,
И родной алякс вярй касфтомась.
Яла тонафтсайть сембонь шисташис,
Сяс минь лисеме валда, кели кивс,
Вай, Мордовиясь панжи шить и веть,
Тянь, Великай вождь, азсаксь тяни тейть.

Мярьгат, маха панчф минь Мордовиясь,
Марлю садкс сон кассь, кассь и виянь.
Тёзерсь аф инжикс паксязонк суvasь,
Сон и мушкс—пархцись занянь оцю вастт.
Пижет, пяк оцюфт тяни биреньке.
Моряда келихть тяни паксяньке.
Ламода лама минь жуватадонк,
Моданьконь ланса оцю сад касы,
Оцю садть эса лама марь шачи.
Оцю садть эса кие эряйхне?
Тя—колхозникне, минь мокша-эрятне.

Эрятама минь пяк счастливайста
Козя масторса, вай прокс дивнайста,
Кие максозе дивнай эрямать?
Кие касфтозе вечна панжи садть?
Срхкафтсь од пинге Ленин вожденьке,
И од прават макссь Сталин алянъке.

Тапазь, машфтозь сивь козятнень
властьсон,
Конань мяляфтсаксь пяк кувардонь онкс,
И трудящань тисть од эряма,
Садса наротне кармась эряма.
Панжи оцю садкс колмоксть кизоти,
Вай, пяк радовой шити, пиземти.
Колмоксть кенерихть кизос маренза,
Сембе масторт перьф туфт коряненза,
Менельть келес туфтсон таралонза.
Кда кельме прай, сон аф тапави;
Пси варматнеди сон аф кастяви.
Чуднай садть эса минь народоньке;
Тя пяк мази садсь—минь мастороньке.

Сяс мокшэрятне Ленинонь кельгась,
Мудрай Сталинть сяс алякс сивь лувсась.
Тячи сембе сяс мази морхт морайхть,
Минь учительти сембе преданнайхть.

Привет Сталинти мокша-эрятне
Юбилей шистост кучихть искреннай.
Иомла народность—мокса-эрятне
Братский семьяса тинхть од эряф.
Ох, пяк шобдаста эрять инголи,
Вярьге панцефтохть ташта пингова.
Паршить кяшендэз пине баярда.
Кудсон пакснэкшнэз злодей мурзада.

Сембе эряфсна ётнесь эвотьфста
Исть ётне ветне парста ваймафста.
Сивь сёра видельхть—свороть тапалезь,
Эрзят вирь керольхть—вирьсон нельголезь,
Мокшет калхт кундалхть—калсон сывондэзь.
Кинди пеняндамь ты нельгоманка?
Кинди жаловамь ты разбоенка?
Азсак баярти, баярсь—локшеса,
Молят мурзати, мурзась—розгаса,
Меле мокшетне вивеа срадондсть,
Меле эрятне видефсон кадондсть.

Кяшендсть лоткова, кяшендсть вирть эса,
Кяженъ пандома арьсесть келесост.

Лама буряда, лама вармада
Мастор ланганок пингста пингс увнась,
Матрась нужашись минне эсонок.
Кевдонга стака тейнек ульсь эряфсь.
Изъ ётне фкя ве сели меведьфтома.
Нужань няемась улэндсь пефтома.
Сембе нароттнень тапась оцязорсь,
Оцязорт лездсть поине, баярне,
Лама народста веронь нозыхне.
Паньцть мокшэрятнень кельме ветнеди
Крга видева,—шуди лайхненди,
Попне хрест мархта велкссост урондхть

Христианкс эсост тятфа тиендхть.
Коса ба народсь афоль аварде.
Трудяй ломатне афольхть пичеде!
Туста вирхневок лажнасть сышкава,
Сельмеведьта, вай, пашкельхть лайхневок,
Сяда пяк муцавь эста аватне,
Ломанькс ашезь лув востонь праватне.
Эста кинь анык ашезь обижь,
Шумбра ломанель—арсесь ловажакс.
Эрять стадонга эхяр ашуста.
Лангост кудняне веляма лангса.
Щамце-карямце панкстонга панксу.
Сязихть селиценъ тонне идлятне.
Ярхцамс кши вешихть вача лефксятне.
Сяпи маршть эзда тон пидат кишня,
Тя кшити нилендемс каят лопционя.
Идрук тон марят стук-панжесь кеншияце,
Шуфтомсть кядиятне, прась тонь кучпоце:
Баярть ширде састь оброк сывома
Тонь прьа повада усихть моркш вакста.

Сявонь траксянень—тяка трийнацень.
Шава калдаза сувихть варматне,
Кудса сувихть тонь вача идятне.
Моротневок сяс личель мораветь,
Ризфу, стака шись сивь эсост корхтась.
Мокша-эрятне горясн азондсть,
Моронь морамста сельмеветть прафнень.
„Мес пяк аварди родной мирсь, масторсь?
Мес радной народсь кирди оцю корь?
Масторсь аварди злодей баярда,
Оцю кор кирди пине азорда.
Сявонь кядьстонк минне паксяньконь,
Нельгоз кядьстонк минь луганеконь.
Тяни мезьса трымс семиянеконь?
Мезьса андсайнек минь жуватаньконь?

Анык моротне парос исть лезда.
Иземась лифне минь нужать эзда.
Эста кармаме виень прлама,
Эста кармаме лиякс молама.
„Мес шта валда шись пяк ни сюнергодсь,
Вио вармада вирське зоракдсь,
Прясна шерхкозевсть шуфтнень вивеса?
Злодей баярсь вон аши паксяса.
Кодак нязе мокшенъ паксянать,
Ровнай паксянать, пине луганать,
Арьсесь эстейназ сивомс ты молать.
Мокшетнень кядьста нельгомс ты паксать.
Вийхца сивондэзь сембе парихнень,
Кудста йоралезь итнень, аятнень,
Эста алатнень острок пакснелезь,
А од ломаттнень солдаткс наралезь.
Тянкас кеподсь кядь богатырь Кузьма,
И народсь кармасть тейназ лездома.
Мокша-эрятнень думондась Кузьмась

Баяр кядь алда валда шись таргамс,
Машфтомс думондась злодей баярхнень,
Тейст лездыхнень-попнень пинетнень.
Арьсесь сон тиесм трудянь мастор,
Коса ба ульсь вольна и простор.
Анык сон виец ульсь аф пяк лама,
Рознандаф народсь изъ машт сяськома.

Ся пингста ашель Ленин алянъке,
Ся пингста ашель Сталин—вайтиньке.

Иван Болотниковсь кеподсь народста,
Сон минь етконь оцю орелкс лийсь,
И народть эзда кочкась оцю вий,
Машфтомс оцязорт, эряф тиесм од,
Баярхнень кядьста воляшть сивомс,
Пине мурзатнень модасн явомс.
Марязь тя кулять—кеподсь эрятне,
Сяка пингова кеподсь мокшетне.
Болотниковти хадакт эста кучь,
И сонь эздонза оцю вал сивь учь.
Сивь отряд прадсть Нижайти сувамс,

Веронь нозыхнень пряснон пувордамс.
Но полк курок кучсь оцю азорсь—куйсь,
Горясь моряшка тисть народти сивь.
Мокшэрянь отрядть сивь машфтозь-тапазь,
Иван Болотниковть тожа плець кундазь.

Хоть и учсеме тьюжда эряфкять,
Седиень пети ломань паваскять,
Тейнек изъ учь—павазь изъ вастфть.

Но минь седисонк эрясь надьямась:
Оцю вий ломань шачи йотконь,
Кармай тюрема минне инксонок,
Валда эряфти минне пачфтьсамазь,
Оцю павазти сембонь вятсамазь.

Кеподсь од орел Дон лятьть маласа,
Степка Разин ульсь ты орельть лемоц,

Трудяй ломаньцта войска пуропнесь—
Мурзакый алясь отряд кепотькшнесь,
Эрек Аленась тюрхити сергытькшнесь.
Саранск ошть марса эста сивондэзь,

Атемарт эсь кядь эста нельгондэзь.
Трудяй ломатнень—руссне, татархне,
Сивне мархтоз ульсь мокша-эрятне,
Разинонь мельге сембе кепотькшнесь,
Сонне перьфканза сембе пуромкшнесь,

Кода лефксятне варвайть перьфканза,
Нарвайть перьфканза паце алонза,
Коста сивь велфкаст кавальсь лиенди,
Лефкснень кенчсонза фатямс арьсекшнени.

Волгать малава Разин вятезе,
Сим бирь ошть малас войскачь лифтезе,
Баярхнень каршес, мурзатнень каршес
Воляшть инкса луромфне арсефт.
Вийда пяк лама эста путоме,
Лама вердовок тюрэзь валоме.
Анык воляшись тейнек изъ сивом.
Тежда эряфське тейнек изъ сатов.
Кундазь Разинонь проклят баярне,
Горяньконь эзда верда симихне,
Цюкзерса сонне клеткас содондозь,
Моску ошти сонь казендамс ускозь,
Палачнень кядьста йоню праяц керфтозь,

Сяда стакаста трудяй ломаттне
Разинда меле кармасть эряма,
Кожардомась минь ошнь строяма,
Крепостень тиесм дайна пандома,
Веры сельмеветть народсь аварди,
Народсь аварди пиземкс кольгонди.
Сяда пяк тапайхть трудяй ломаттнень

Княсне, мурзатне—веронь потияхне.
Од орел кеподсь Уралонь пандста,
Тя орельть—лемоц Пугачев Мьялянь.
Сон эсь перьфканза кочкай нароттнень:

Русснень, татархнень, мокша-эрятнень,
Горянь лаяс ваяф сембе эряйхнень,
Казань ошть малас войскачь вятезе,
Баяр пизотнень кармасть плхнемоств,
Синценъ, стерватнень, сияк машфнемоств.

Аф сяда кржа верда пярфоль,
Аф сяда кржа тязя вий пуфоль.

Но кундазь орельть злодей баярхне,
Керозь сонне прайц, таргазь сельмонзон,

Вярьге лиенди керозь паянзон,
Мокша-эрятне стака шити лядсть,
Теест баярхне анык кофкять кадсть,
Сяньге сивондэзь, кда нельговолъ,
Соньге инксоназ кедень ваткалезь.
Хоть кундазь орельть, керозь сонне прайц,

Но народть виец, вай, аф керови,
И народонь кяжсь, вай, аф машфтови.
Народсь инголькек плхнесь баярхнень,

Плхнесь баярхнень—ломань муцайхнень.
Тюрема кеподсь велень трудяйхне,
Горянь симонди модань сокайхне,
Оцязорт мархта фатясть баярхне:
Вензай народсь синне каршесост,
Штоба крафтомс сивь, кидти сивомс власть,

Штоба павазу пинкне тейнек салхть.
Эста оцязорсь пуроптсь баярхнень,
Арьсезь васькафтомс сембе нароттнень.

Сёра видити манифест сивь макссть,
Макссть права бта ломанькс эряма,
Тевса тя вдь ульсь ёфси грабама,
Ингольденъ правась станяк кадондовсь,
Мокша-эряти цебярь сон изъ ти,
Тяни колмонзаф макссь сон вачаши,
Кармасть срафнемоств радной велетнень,

Кядьстонк сивомост кармасть модатнень.
Сембень трудяйхнень эста ницайкс кадсть,
Кяпе-крхота эряма сивь лядсть.

Нароттнень йоткса сяда кяжсь келемсь,
Баярхнень тиягса толонь килсь серемсь,
Синценъ, пинетнень, толти йорсаязь,
Пилге киснонга аеркснень машфсаязь,

Ошса завотнень эста лаказевсть,
Оцязоронь власть йофси шерхкозевсь.
Эводсь баярхне, эводсь оцязорсь,
Шивь стямь пири кармасть ваноме,
Японский войнас кармасть панема,
Штоба трудяйхне войнати мошельхть,

Аеркс баярхнень сивь покойс кадолхть.
Ламонь прясна лядсть; одта, сиреда,
Вай, рабочайда, сёра видада,
Конат урозда лама пяк кадондсть,
Трийнафтома, вай, сивь тяни лядондсть.

Но народонь вийсь тейст изъ машфтов,
Народть тюремац теест изъ сяськов.
Революциясь ошнень, велетнень,
Вай, сон фатязень сембе нароттнень.
Трудяйхне кармасть кяженъ пандома,
Баярхнень кядьста модань нельгома,
Плхнэзь козятнень тинкснон, капаснон,

Керьсезь баярхнень злодейнь пряснон.
Но изъ машфтов прокс врагонь раваж вийсь,
Конац народти тага горят тийсь.
Плёткат, вачаши—тя судьбац трудяйть,
Конац вестовок павазши изъ ний.
Мокша-эрятне, русснень, татархне,
Россия эзда сембе нароттне
Од эряфонкса ушедьт пуромма,
Штоба вольнайста кармалхть эряма.

Якстере волна ошка, велева
Кеподсь, эрхнни сон пине баярхнень,
Стака эряфста лифни видихнень,
Конатнень вятсаязь старшай братьясна,
Тя—рабочайхне, радной ялгасна.

Эводсь оцязорсь эсь дюресонза,
Кармась арсема зверень прясонза,
Кучсесь сон посолхт лия странава.

Коса кармасть сивь лездсонь анама.
Пуромсть буржуйхне—куень ваймотне,

Оцязорт сивь кармасть лездома,
Якстере пожарть кармасть матома.
Тердсть солдатонь полкт, ускозь казакнень,
Сивь лядендема кармасть нароттнень.
Ой, лама тежянь шавсть сивь ломаньда,
Рузда, казакта, мокша-эряда,
Аляфтома лядсть лама авада,
Трийнафтома лядсть лама шабада.
И сембе странась тифоль прокс тюрмакс,

И аф марят ни кайги молама,
Анык марясак—цизерхт канцердыхть,
Синне канвисна верса авардихть.

Но народонь вийсь сембе изъ машфтов.
Ленин, Сталин ульсь минне ётконь,
Бойс решаюшайс тернесть эсонок.

Тяни оцю вий народсь пуропти,
Штоба эстейназ сатомс воляши,
Конац валдонтоль, кода валда шись.
Но штоба тапамс йоню ломаттнень,
Народонь павазть инкса тюрхнень,
Штоба овкстафта кирдемс нароттнень,

Тиесм най немойкс трудяй ломаттнень,
Мирса буржуйхне да оцязорхне
Мировой война кеподсь масторса.
Пушкатнень эзда ильме модась тарсь.
Масторть фатязе мировой пожарсь.
Лама тьюжнэца ся войнати панцть,
Салдатонь шинельхть шафнень лангозост,

Да винтовкаят максесть кядезост.
А кинне ёфси панезь шавя кятть,—
Пулятнень ала улэндсть тишекс лядфть.

Россия эса буржуйхне корхнесть,
Трудяй ломаттнень эса васькафнесть,
Лия странатнень каршес кепотькшнесть.
Ломань теласа фронтне велхтьяфтохть,
Оцю лайхневок мархтоз прудяфтохть,
Ломанень пси версь шудесь оцю лайкс...

Сянкас верть лангса сатнесть козяши
Зверьдонга кяжи аеркс баярхне,
Врьгазкс вер-кельги проклят буржуйхне.

Ниле кизот мольсь ломань шавомась,
Сембода вии ломань машфтомась.
Эста вишкста пяк масторсь минь зарнясь,

Лажфсна морятнень куцендсь менели,
Вишкь лайкс шудесь ломань сельмеведсь.
Масторть велксса рангсь явсема вайгальсь.

Вай, мес тяшкава явсесь минь народсь,
Мес сон лажнась пяк, урокодсь тяшкава?
Сиретне явсесть цьораснон инкса,
Авардсть шабатне аляснон инкса.
Цьораснон панезь масторонь край,
Аляснон нельгоз—меки аф савихть.
Шиське ся пинкнень равчонга раважель,

Сянь ковняське эста пик шовдаль.
Эста менельти тятше одня лиссь,
Вете ширева валда толнят лифтьс,
Трудяй народти кить сон няфтезе,
Злодейхнень киснон туркс—вучит керозе.

Мастороньконь минь од валдсь валондсь флангс,
Шудесть лученза мокшэрятнень лангс.

Од тятшти фалу таза, од вийхть састь.
Шинек-венец сонь цебярь славац кассь,

Шидонга валдста арась тятшенъке.
Трудяй мокшетне, трудяй эрятне
Сонь валдон эзда прайвий, эргя саявь,

Мяштьсост седисна тотнасть радостьса:
„Нийсак, малаткишихть тяни од пинкне,
Стака эряфонь сязевихть пинкне.
Лангстонза народсь ливозть нардасы,
Богатырькс эста ваймонц таргасы.
Павазсь прокс кармай мокша-эрятнень

Мархта дружнайста эста эряма“.
Лоткасть ся пинкнень бойхне шумнамда,
Салдатне кудга кармасть срадома,
Шарьхкодсть кинь инкса верснон пярэзь,

Што эсь братснон сивь калму сиворязь;
Фронтса фкя-фкянь перьф ашкорясть кельгозь;
Куломада штоб эряфсна кельгомс,
Шамдомс горяда трудяйть эряфонц,
Эряфонь прават сатомс трудяйи,
Кармасть козятнень марса крафтома,
Злодейхнень вийснон марса машфтома.

Кармась тюрема богатырькс народсь,
Арась фкя семьякс муцаф ломань родсь,

Вирьге аськолдай—стенакс велаяфты,
Моли пандова—равгозь калафтыс,
Эздонза народть вию соколхт шачсть—
Ленин алянъке, Сталин ялганъке,
Конат сембонь минь марняс кочкамазь,

Павазть инкса минь бойти вятемазь.
Вию кядьса сивь кривасть вышек тол.
Хоть и стака ульсь вон ня кизотнень,

Но плхазень толсь куень пизотнень.
Тяезь тязень злодей баярхнень,
Церквас азорхнень, равжа варсикхнень,
Сисем прясна куйть, куйнь ошонянь,
Куйнь ошонянь, сонценъ Керенскийть,
Якстерь кялса толсь сембонь нардазень,

Юрнек, корянкек сембонь машфтозень,
Сельснон кулуснон вармась салазень,
Моря потмаксу ведсь сивь калмазень,
Мастороньке минь эста мазелгодсь,
Панчфу садса сон сембе наряжась,
Панчфонь шамса сон эста шась, карьясь.

Прават однят састь, кельгом воляши,
Но исть шавондов сембе баярхне,
Воляшненьконди калмонь карайхне,
Равжа кранченъ вийхть тага пуропнесть,

Пяляс пинекс сивь тейнек уромкшнесть,
Штоба нельгомс минь меки моданьконь,
Норгомс кядьстонк кельгом волянъконь.

Кулезь-созазь тянь мудрай вожденьке,
Ленин алянъке, Сталин ялганъке,
Вракнень тевснон сивь курок шарьхкодезь,
Сембе трудяйхнень, оттнень сиретнень

Мекольденъ бойти эста сергылезь,
Тисть од армия—Якстерь Гвардия;
Кочкасть русст, чувашт, мархтоз мокшэрят,
Пуроптсть фкя семья—вио мокшанда,
Парста тонафтозь врагонь пиксома,
Лайсак тюрема эряфть инксона.

Сембонь кучезь сивь странать ванома
И сонь лангстонза вракнень шавома.
Вай, эста ушедсь гражданский войнась,
Вете кизонь пингс вишкста сон юрнась.

Путф пяк лама вий родинай инкса,
Лама вер шудесь, вай, стака пингста,
Оцю вайгальса странаньке урнянь,
Но трудяйть виец вишке толкс юрнась.

И тя вийть мархта мокша-эрянь вийсь
Кяжи врагть каршес горнай нармонькс лийсь.
Тонафтомаз минь Ленин алянъке,
Лая указовась Сталин ялганъке.
Пуромсть сивь перьфкаст мокша-эрятне,

Русснень мархта сивь сембе эряскадсть,
Ротань-рота тусть Якстерь Гвардия,
Полконь-полк пуромсть Якстерь Армия.

Мокша-эрятне кеме рялонь-ряд
Шудезь-шудесть най Чапань отрядс,
Командирхть кочкасть, сембе сивь геройхть.

Тусть Колчакть виенц эста керома,
Равжа прьа куень пизоть машфтома.
И народсь фталу ёфси изъ пота,
Москуву куйхне сякокс исть йота,
Валда толовке теест изъ матов.
Ленинь валонза, Сталинть валонза
Тюремста живой ведьса валомазь,
Срафтозкс аеркснень—пагон мархтоднень.

Трудяй ломанень ваймонь сивихнень.
Тиевь светль лангса вольнай эряма,
Ушедоме минь кудонь тиема.
Сон эсь вийсонк тиф, лама вийда путф.

Ся кудсь пяк оцю, ся кудсь пяк кели,
Лама вальмаса, сон вдь пяк сери.
Тяльгсть сонь эзонза сембе наротне,
Коватнень ашельхть ёфси правасна,
И нужать эзда тифоль эряфсна.
Минь народоньке кармасть арьсема.
Кола сада тов тейнек эряма,
Честнай трудсонк козякодома.

Кола минь фалу Сталин вятнемазь,
Сяськомати сон фронтка пачфнемазь,
Тяниенге сон сась минь ётконька,
Лангсонза шинель, трубкац кургонза,
Ваныхть лангозонк кельги сельмонза.
Кулхондсь эсонза кажнай валоньконь,

Ванондозе сон сембе тевоньконь.
Сувсесь сон кудга, корхнесь мархтонок,
Корхнесь вожденьке—минне кельгиньке:
— Тянь трудяй мошет, тинь трудяй эрзят,
Пяк ужальхтьта, кода и ужальхть
Лия наротне—лапонт трудяйхне.
Ленинь мархта минь тумстонк корхтаме,

И вон мезе минь марса арьсеме:
Книгать кемоста кундасть кидезонт.
Кода кемоста цёрась кучпеси
Кельгома стирняц кельгома кидиянц.

Лама школада ётксонт панжеда,
Идене и тинь тоза молада.
Книгатнень эсот Ленинть валонза,
Ленинь валонза—оцю ёненза,
Тонадсайхть тинь—вяри кеподьтяд,
Сяда ичкози тинь орелкс вийхтьтяд,
Сяда вярине тинь орелкс лийхтьтяд,
Цебярь молемазь коста кить нийсак,
И ков молят тон—сембонь содасак.
Тинь родной кайлсонт лама кийгада,
Лама кийгада и газетата.

Тейнть макстама—лувомс кучтама.
Велень ашутти, середнякнеди
Лездста лама минь тяни макстама:
Кярятт, селкатт, ярмакт траксонади,
Штоба кемокстамс минне веленьке,
Козя сыорода максол моданьке,
Ульь топодьста велесь, ошненьке.
Тада меле тинь,—тятфа Ленин мьярьсь,—

Пуромода марс, машфтозть межантень,
Морякс келепесть тинь эсь паксянтень.

ТЕЙТЬ, ВЕЛИКАЙ ВОЖДЬ, СТАЛИН ЯЛГАНЬКЕ, МИНЬ РОДНОЙНЬКЕ—КЕЛЬГОМ АЛЯНЬКЕ!

Ошта ялганте—старшай братьянте
Синь машинада кучихть пяк лама
Сокать, тьямать вастс работама
Тейнтъ тѣждяня ули эрямась.
Колхознень вельде эста калмасась.
Велеса кулакть—теентъ кяжи врагть.
Карматада тинь сѣрмас содама,
Тинне иденте ламонь маштома.
Инженерхт лисихть мокшетнень эзда,
Инженерхт лисихть эрзятнень эзда,
Строайхть синь заводт, строяйхть
фабрикат,
Электрический строяйхть станцият.
Кода Ленин мярьгсь, кода тон
мярьготъ,
Сталин ялганьке—минне вятиньке,
Стане лисенди—эряфсь тиеви.
Каждый велеса валдот школаньке,
Эсост тонафнихть минне иденьке.
Книгать вельксс комафт вльне

сиретне,
Образованнайхть мокшень стирьнятне,
Институтова мокша-эрзятне,
Сѣрмас содай ни минь народоньке.
Мокшэрзянь велесь, вай, аф

содави:
Сире велеть вастс, косоль вищайши,
Тифт козя колхост—эсост лама кши.
Косольхть шайхть да лоткт—тани
панжихть сатт,
Мезе Ленин мярьгсь, нийсась, тани
сатф.

Кели моданьке межатнень мархта
Апак пинготькшнеч—апак
явонткшнеч,
Вай, аф ангорай эсост соканясь,
Сталинский тракторхт синне сокасась,
И машинатне сияк видесась.
Паксяньконь лангса лама знатнайда,
Стирьда, цѣрада, эрек авада,—
Отта, сиреда—вию ломаньда.
Парот тевонза минь Чадайкина,т,
Мокша велеста йоноу пря стирнять.
Чистайхть, тишефтопт сонне паксянза,
Оцюфт, козят пяк урожаенза.
Сембе содасась минь Печказовать—

Трудонь пяк кельги эрзянь тя авать,
Вирень сересот сонне каньфсиза,
Парьхцикс ляпонят сонне мушконза.
Али сясась минь Яськин Паволонь,
Паксянзон лангса опыт тиенди,
Сянкса сьорода лама сьавонди.
Сембе содасась минь Волгаевать,
Трактористканьконь—эрзянь тя
стирнять.

Вельф пашкотькшнечень сон эсь
норманзон,
Тянди тонафнесь себе ялганзон.
Депутатокс синь эздонк кочкайнек,
Сталин ялгати лемстонк кучийнек.
Лама знатнайхнень мяштьсост тяштть
палыхть,

Ленинонь ликац ламотнень мяштьса,
Трудовой почетсь седи маласа,
Кода маласа теест родинась,
Вольнай ломанень советский странась.
Минне властенъке синне казезень,
Сталин, партиясь, честти путозень.
Минне иденьке, радной бродоньке,
Етконок тонатф инженероньке
Лиякс полафтозь Саранск ошеньконь,
Строязь, мазептезь минне

центраньконь.
Строясь фабрикат, синь заводт
строясь.
Сембе странати молихть пиксоньке,
Золтакс пиндолды канцер ваеньке,
Танцтида-танцтихть минь
консерванеке.

Минне масторсонк оцю сад касы,
Панжи садть эса эряйхть
мокшэрзят.
Сонне перьфканза пижет лугатне,
Серихть эсонза туста тишетне.
Тя лугать лангса, оцю садть эса
Минне стиреньке, минне цѣраньке.
Местема сей састь мокшэрзянь
стирьхне.

Кенярьф алятне, бойкай аватне,
Морай цѣратне, кайги шабатне?
Оцю праздник минь тьяфта пуромме,

Оцю рсдостсь минь тьяфта кочкавме.
Оцю праздниксь тя—вете кизонза
Минь Мордовиять—од республикаты.
Мокша-эрзятне эряйхть дружнайста,
Оцю павазса да веселайста.
Мокшет, эрзят, русст марс минь пу-
ромме,

Оцю праздники сембе кочкавме.
Вождти астама кеме-кеме вал:
Ленинонь и тонь мельгат молеме,
Якстерь знамятень ала тюреме,
Генералхнень минь марса срафтоме
И советский властть мархтонт тиеме.
Эряфсь павзау тани строае.
Мельгат ингольцекс сембе мольтяма,
Мезе мярьгат тон—сянне тийхтяма.
А эрь валце тонь—павазонь касфты,
И эрь валце тонь—лама вий максы.
Минне касфтсамась, Сталин
вожденьке.

Ванат мельганок, минне кельгиньке.
Седи ваксстонь валхт вождти астама
Панчфу эряфонь тейнек сатомда,
Оцю павазонь тейнек максомда.
Кельгсась вожденьконь—Сталин
ялганьконь,

Конац валдопты шидонга валдста.
Эряк ламоня, минне алянъке,
Эряф максынъке—минь радноеньке.
Ащетами минь перьфкат кемоста.
Ленинонь киге минне вятсамась,
Сядонга цѣбарь эряфс пачфтьсамась.
Ульхть шумбра, радной, пец минь
сѣрманьконь,
Седи ваксстонне примайть
валоньконь.

Сѣрмать эрзянь кяльса сѣрмадозь
ф. И. БЕЗЗУБОВА, В. РАДИН. Мокшень
кяльса — И. ЧУМАКОВ, А. ЧЕКАШ-
КИН, С. РОДЬКИН.

Сѣрмась примаф Мордовский писа-
тель марстонь пуромксса.

Международная положения колга доклад

Аф кунара Сире Сомай велень
„Якстерь знамя“ колхозть клуб-
сонза ульсь тиф международнай
положения колга доклад. Док-
ладть тиезе ВКП(б)-нь Рыбкинань
райкомть лектороц Вешкин ялгась.
Колхозникне и колхозницатне кулх-
цондозь докладть оцю мялса.

Вешкин ялгась лама корхтась
Финляндияса белофиттнень кар-
шес тюремаса бойхнень колга.

Григорьев.

Рыбкинский район.

Образцовая библиотека

Сире Теризморга велень советсь
нинге 1938-це кизоня велеса орга-
низовандась библиотека, коначь
чийнь шити самс лац мольтьсы эсь
работанц. Тясса сатомшка улихть
политический, художественный и
общественно-экономический лите-
ратурат, конатнень лувондсась
колхозникне.

Тяда башка улихть сельскохо-
зяйственной и идень лама литера-
тура. Библиотекась эсь цѣбарь
работанц мархта касфтозень чита-
тельхнень лувксон 500 ломаньда
ламос.

А. Овтина.

Сире Шайговань район.

Ванфтомс колхозть имуществанц

Туркслий велень „Мази знамя“
колхозса аф ванфтови колхознай
имуществась. Колхозть председа-
телец Моисеев ялгась, колхозть
имуществанц лангса распоряжан-
дай кода эсь собственностенц
мархта.

Моисеев и сембе бригадирхне
тракссон аннесазь колхознай ти-

шеда и кодамовок основанияфто-
ма явондыхть тишет эса эсь род-
нясонды. А сяс и кржа иляткшни
колхозса тишеда, конань сюнеда
может сязевомс тундань видеамсь.
Тяда башка Моисеев мись тише-
пенге лангс вирь ванити.

Колхозник.

Рузаевский район.

ВСХ-НЬ ВЫСТАВКАВ УЧАСТНИКОНДИ КАНДИДАТ

Нинге 1930 кизоста сявомок Си-
ре Теризморга велень „17 лет
Октября“ колхозса кузнецокс ра-
ботай Лопаткин Григорий Степа-
новичсь.

Лопаткин ялгась, аф ваномок
эсь сире шинц лангс, стахановский
работань методса аноклай тядденъ
кизонь тундань видемати. Тянийнь
пингть ремонтновандасыне сембе
сельскохозяйственной инвентарть:

плукнень, инза матнень, сеялка-
нень.

Цѣбарьста работаманкса колхо-
зонь правлениясь эрь кизоня Ло-
паткин ялгать казендесе питни
казьнеса. Тядденъ кизотъ, кода
стахановецонь, Лопаткин ялгать
выдвинули Всесоюзнай сельско-
хозяйственной выставкав участни-
конди кандидаткс.

фед. Курков.

Сире Шайговань район.

Ответственность апак таргак

Сире Маманя велеса Мичуринть
лемса колхозса старшай конюхокс
работась Мишкин Иванць. Сон
эсь работанц пингста тись колхоз-
ти оцю вред. Фуражть использо-
вандакшнече аф правильнайста,
алашатнень симнезень кельме
ведьта, конанц сюнеда алашат-
нень кальдяв упитанностьсна.
Мишкинть безответственностенц
сюнеда урадсь алаша и колма ва-
шенят. Тянь инкса работааста сон
валхтф, но тачим ответствен-
ностьс апак таргак.

Колхозник.

Рыбкинский район.

АШ ОБОРОНАЙ РАБОТА

Ельниковский райбольница аф
работай фкявок общественно-доб-
ровольнай организация. Сембодон-
га кальдявста ащи тесть осовави-
химский организацияса.

„Красный крестъ“ районнай ко-
митетонц руководительц Алышева
ялгась аф шарфни кодамовок мяля
значкистонь анокламати лангс. Тя-
са сембе районть эзга ГСО-нь
значкистонь анокламати ладяф
кальдывста.

С. Девятайкин.

Ельниковский район.

Ответ. редакторть инкса М. САЙГИН.



СНИМКАСА: Исык—Кульский конезаводонь конюхне (Киргизский ССР)
1940 кизоня ВСХВ-нь кандидаттне, комсомолецне (види ширеста кяржи шири) Бульдур
рук Кальчаев и Балабас Кильдиев.
(ТАСС-ть фото-клишец).